

四庫全書

集部

欽定四庫全書

集部

省齋集卷二

詳校官庶吉士臣吳烜

主事臣呂雲棟覆勘

謄錄監生臣龍舜耕

謄錄貢生臣吳士英

欽定四庫全書

集部四

省齋集一卷

別集類三 宋

提要

臣等謹案省齋集十卷宋廖行之撰行之字天民其先延平人五季時徙于衡州登淳熙甲辰進士嘗官岳州巴陵尉以親老丐養而歸注授寧鄉主簿未赴據田竒所作行狀稱其生平內行修飭留心經濟入仕亦多著循

績然名位不昌故姓字不著于史傳其所著作諸家亦罕著錄是集乃其子謙所刊原本十卷今從永樂大典中採掇裒輯篇帙頗夥似當日全部收入謹排次審訂仍析為十卷以還其舊其原跋十七通行狀墓銘等三首仍附于後以備考核其文章大抵屏除藻繪務以質樸為宗或不免近于朴儻故戴溪序不甚稱之然其詞意篤實切近事理亦足

以想見其為人至其四六之作則較他文為
流麗潛敷敬跋稱其表啟多互見周必大集
中蓋以必大亦有省齋之名故相淆混今檢
勘必大全集實無一篇與此相複當由後人
知其誤載從而刊除矣乾隆四十六年三月
恭校上

總纂官臣紀昀臣陸錫熊臣孫士毅

總校官臣陸費墀

原序

衡陽廖氏為其州之望族世登儒科天民諱行之為淳熙十一年進士始調岳州巴陵縣尉既數月棄官以便親養再調潭州寧鄉縣主簿未上而卒余官于衡識天民其為人博學多聞孝友急義州有大事率賴公為謀清江劉清之子澄為守以其名薦于朝不報廖氏世有力於學校學者咸遵之石鼓書院成天民與有力其子謙初試入為首選明年遂繼乃翁登科衡人以為盛余

分教雪川得謙書云先君不幸日月易失謙既服闋矣
哀平生遺文得拾卷不肖之孤懼湮沒不傳願有以序
次之余序石鼓書院累置田近三十頃嘗欲以其事記
之石鼓文難其人訪諸學者咸曰主簿公能文學者素
所尊信儻得公文記之庶幾不朽今集中所載田記是
也余觀公為文率典實有教化不為浮辭虛說非求以
文字著名者隨事應用時見其一二爾惜也年不及中
志所欲為千百不一施此尤可恨也紹熙二年秋九月

永嘉戴溪序

欽定四庫全書



省齋集

二

--	--	--	--	--	--	--	--

欽定四庫全書

省齋集卷一

宋 廖行之 撰

賦

巖桂賦

秋氣之清萬殊稟成斂英華於品彙孕粹精于桂根猗
歟休哉何其挺挺乎不徇世態飄飄乎欲凌高旻也邪
當其玉宇涵空金行奪暑庭梧憔悴於銀牀江蓼淒涼
於沙渚暎籬菊之未粲嘆園葵之已暮茲桂也壓衆卉

以推先爭秋光而獨主時也莫不緣蓓攢枝吐芳露竒
若瑣若碎若繁若稀若什若倍若羸若畸或出類以若
長或附承而若卑珠綴甚富酥凝未澌雖玉蟲差擬風
韻之奚取金粟可饒典刑之已非至若露霽晨興月浮
夜明動微颺於披拂暢竒芬而遠聞蕩世俗之喧濁掃
鼻觀之囂塵可使沉水斂煙於燕寢猗蘭奪氣於深林
得非蓐收肅殺之威或有所寓太白剛勁之氣或有所
憑而然耶彼芙渠兮不亦華乎凌波間而顏如渥朱水

苟酒兮幹隨以枯彼桃李兮何彼穠矣競春朝兮天然
綺麗秋之至兮葉紛以委萱忘憂兮何事容悅花含笑
兮其如嫵媚寧寒巖之一枝兮名園之屬子寧霜林之
獨秀兮韶華之付爾君不見伯夷之行兮得清之全風
聞百世激貪懦之心焉又不見孟軻之志兮養其浩然
至剛至大則天地而塞焉此蓄之有素而發之無前豈
與夫競紛華於頃刻誇美艷之鮮妍者同年而語哉此
東臯子之問答所以發德馨於幽潛者也

五言古詩

夜坐觀書

風露氣淒清秋堂燈火夕
夕開編對聖賢窮理貫今昔
豈無侯門裾俛仰無顏色
豈無終南路矯詐虧名實
莘耕渭釣人樂道貴自得
青紫與金珠從渠儻來物

重九後菊未開

春初得菊四株植之于西窻
之墻隈糞土培之加以灌溉
庶幾為重九之觀今度重九且

踰旬矣尚未敷榮作詩詰之呈示同社諸友
靈根何許來初春首移植封培極膏壤灌溉勤朝夕惟
知人力勝可與天工敵侵尋度重九荏苒復旬日含芳
似慳吝細蓓猶的歷得非司花神不為徇世習閉關存
清高後時養介僻不然蓐收靈護持莫庸釋未容遽爛
慢留作秋歸憶胡為倚墻隈向人殊寂寞雖非彭澤長
汝勿余於惜

贈別羅舜舉

憶昔相從游往往嘗繼晷論文在肺肝商確到肌體一
從悵分攜鳧鴈慣居徙相望兩川間別夢縈百里向來
故園思歸興動行李奔馳快一見舍館渠暇理疇昔夜
過門明月耿相視一尊邀躄躄嘯詠天風起朝來得秀
句惜別語盈紙所愧才空踈雅意孰稱是塵勞喜驅人
遣我輪善柅明當問歸途馬足莫西指男兒結交情聚
散今乃爾誰論十日惡懷抱好無幾活活郴江流此去
下湘水慇懃儻懸情願言寄雙鯉

寄舅氏

北山結齋處，爽塏非囂塵。開軒尋丈間，四座情閭閻。君
無挾長態，我亦忘等倫。終朝究道藝，得趣何其真。一從
分携去，聲跡如參辰。相望遠十舍，誨席無由親。秋高釐
峯秀得助，尤清新明珠不分錫。何以慰吾貧。

和劉寺簿韻就述丐祠意

衡湘風物佳，微產亦豐美。清腴足杭稻，雋永到梨柿。一
飽自有餘，此樂渠有涖。况逢使君賢，公餘多燕喜。新詩

且間作健筆時一泚形骸了區別肝膽洞遐邇言論斯
靄如旨意不忘起梧櫝良栽培稂莠早耘耔我愚莫孰
何流輩敢倫儼每聞循循誘敢媿空空鄙高堂有白髮
富貴寧羨彼丐公成此心萬事歡菽水

從三舅氏携兒姪遊向園分韻得買字

鄺居遠囂塵市隱渺湖海閑憲理書卷樂事供戲綵蕭
然萬慮忘恬爾四時改青山滿郊園未省費錢買客來
笑迂拙我乃厭機械今朝起遨遊歡意與天會光風挾

霽月璇宇掃氛靄茲游發吾舅慙慙及流輩扁舟凌湘波
步屨更東邁名園展良覲珍賞皆勝槩松筠蠹高節花
草足芳佩化工自無私物理欣有待從渠春爛熳壯我
胃磊砢招邀坐莓苔取次列鮭菜真成脫邊幅底用見
竒怪酒闌發深省事往憶初載經營賦歸田想像古賢
宰騎箕久汗漫種木今猥大安能耽燕翫頗復念興廢
信美非吾廬高興忽天外歸來且長哦它時續詩話

自中都歸題勝業寺古栢

栢一本九
榦甚竒古

昔聞南山下有栢古且竒書癡守寒牕一見嗟無期歸
從軟紅塵乃識蒼虬姿青青十畝陰凜凜千年枝山靈
日守護斧斤誰侵欺孤根久盤踞珍幹分透迤飄蕭爽
氣生蔚蔚祥雲低九龍出同穴宛轉猶相持高標足古
意貞操長遐栖豈無金芝秀瑣瑣誇一時豈無豫章靈屑
屑關興哀何如此嘉樹毀譽無欣悲傳聞禹所植往事
誰能稽安得子墨卿寫作無聲詩

醉中紀事題辰州淨因寺

山城春半時底事風作惡小隱杜書帷暗想花蕭索命
駕訪林藪尋芳到叢薄漫山絜百英隨分有餘樂縈迴
度城陰徙倚步禪閣山僧正齋餘茗椀快新淪壁間有
佳句一誦喜且愕登堂陳盃盤痛飲自諧謔新詩恣賡
酬郢匠成妙斲忘機物不疑屋山下烏啄松風動豪氣
號怒響林壑顧我亦楚狂高興復誰托揮毫屬同遊聊
共題新壑

代遊西湖分韻得香字

永嘉有儒宗學古源流長未施經國手姑綰祠嶽章豈
惟禮秩重正遣文教昌從遊者誰子秀異推荆揚羨君
春秋學三傳可束藏君章湘中傑况有今黃香羣賢集
董帷幸甚同翱翔吾邦一何遇石鼓分餘光坐令士氣
振聞者皆激昂今朝過封胡三英璨琳琅乘興訪蕭寺
草草羅酒漿吾儕亦縱史十駕隨飛黃亢宗賴季子未
數彥道狂讀禮不敢過養晦須名揚旁觀且袖手代斲
媿不臧聊補分韻篇一笑薰風涼

送岳陽陳倅秩滿還朝八首

以邦國不空別駕之功為韻

千古太丘長風流世淳
龐袞袞多公卿他姓渠可雙
抵今廩賢雋半刺均麾幢
朝天建長策致主新周邦

閩為多士鄉三山最英特
問學可經世文章更華國
公維太宰出宅相有令德
無忌獨何人猶能弭凶慝

先漢郡有丞選置不浪取
次公在河南吏嚴而獨不
皇家重監郡小試煩大手上
方求寬和淹外詎容久

岳陽古建郡不但樓觀雄
英英范公記百世揚清風
斯

文行益遠雅意言非空懷哉久登臨所期憂樂同

重湖昔苦兵流亡動輕別幾年費勞來經早復騷屑有
底田多稼民情洽歡悅洋洋康賴歌今無媿前哲

湖山政俗殊疆理罕憑藉壤賦無定書民田互欺詐所
急井田均爭心詎難化入告今其時公行毋俟駕

舍人趨治裝驅車將東之兩載賢轍淹一朝萬里馳洪
惟德器遠自是廊廟姿寧湏佩刀祝已動宣室思

少陵不作威恐墮趨走中而今巴丘吏所遭更途窮力

絲何以振敢意鄆縣功慨歎薛長史誰其繼高風

壽湖南宗憲五首

梅餘傲雪香柳欲搖金絲隆冬如許清真宰渠物私居
然風景殊鍾此賢傑姿政須鴻鈞播天意扶民彛

斯文不于政體用方殊觀頗聞罷謀曹渠肯先學官而
公獨古意首欲尊儒冠果哉此道振善俗良非難

湘俗日窳敝嗜惡甘如飴良心豈初然物欲或迫之經
正則民興靡事窮誅夷桑麻遂生業四海治可推

伊洛有真派淵源洙泗宗蜀張日益遠言行將無同於
公見事業吾黨知適從坐令千載下竟識儒者功
欲壽人之情而仁獨也正有能用其力盡性以致命公
誠格物意心靜無不敬却笑彼談仙區區較功行

壽湖南管倉五首

齊卿善高奚為治孰過之到今民受賜微管嗟吾其宜
哉世祀昌有比廊廟姿功名方鼎來端亞蕭與伊
敬仲始鹽筴豐財此權輿端能佐經費農末深相須惟

皇叙八政國裕民無癯誰其制低昂江左今夷吾
平糴慮國深公困匪邦積自古斯有年浸遠失初意今
年出緡錢樂歲怨狼戾比法竟施行農民等蒙惠

古人重繇使竭作唯追胥兩稅已復役三倍將何如洪
惟愛基本幸甚均慤舒周親今閭閻民情力有餘
歲寒萬本怯表立蒼官榮相看琅玕碧更對梅玉清得
能三友佳來壽千載英慶事未渠央高標自天成

挽劉監廟

去歲與君別高談氣如虹酒酣出三詩遺我意何窮歸
塗度黃花偶遇衡人東問君無恙否報言近已終聞之
駭且疑期君後凋松分携數月耳鷄年何遽逢還家僅
弛擔走哭悲填胸夫君鄉評高孝友古人同一第晚乃
得權門肯投蹤暫出不少留翩翩若冥鴻力學老不倦
進得新有功惜哉幹國資已矣浮雲空最憐親白髮行
路為慘容賴是有子賢接踵翔蟾宮朝來哀笳發湘江
雨濛濛月嶺挂寒斗霜林號淒風斯人重難見夜臺情

得通

送鄧彥霄

有序

僕聞南山下有耕者始其業微甚他日連阡
陌專沃壤蓋其富視封君客或訪其故對曰
田農也不知其他吾能不廢吾業而已始吾
得汙萊數畝人不屑治者吾治之加力不敢
鹵莽滅裂也計其獲視饁餉不徒食以故吾
業益廣今幸且富顧耕則不暇而吾心朝夕

經畫乎此特其所處小大之異耳勞於小而
不廢積於大而益不懈天下事皆然僕嘗異
其言將世之君子殆有愧此自世以空談媒
位仕未有一毫補公上已謂州縣為徒勞簿
書期會一切廢弛曰儒者以大臣自期宜若是
彼其悞偷曾不若耕者之不素餐也矧仕于
邑所謂高士不為者先漢已有此俗今吾友
鄧君彥霄乃欣然就此位若將得行其志者

其所懷負不苟徇世誠如是一職不廢矣夫
使圖籍有考而緣絕淆亂之弊戢膏澤下於
民必自此始且僕聞鄭有君子曰子產其言
政如農功日夜思之思其始而成其終朝夕
而行之古之人自效一官達之于運天下其
於民監法皆如是彥霄過僕為別屬聞耕者
之說意其有補于從政因序而詩之以為贈
四海一畎畝萬事均農桑汙萊儻輟功饁餉安取償斯

言媿田叟為吏輕官常悠悠但愒日往往俱亡羊鄧侯
獨古意枳棘寧鸞鳳所懷將志行身詘庸何傷高士豈
徇俗濟時乃褰裳功名始一邑圖籍皆甘棠古人正如
是遠業詎可量薰風入虞絃萬寓須阜康行矣食人食
勿謂吾言狂

題族兄耐軒

乾坤一覆育日月恒回旋百川滾滾流晝夜不舍旃豈
無桃李姿孰與松筠堅物理耐則勝人事敗以獮君看

伯禹功手足甘肫胼苟無尼父志緇磷多蚤緣躁輕易
與耳頑頓終安然吾宗伯也亢學世其家傳韜藏第懷
寶撫藜須豐年雙扉儼庭牖一字深韋絃此意當竟成
永言願無愆吾聞約與樂仁者斯兩全君能處以一我
見成皆天伊傳終佐時吳鄧徒多錢他時軒中人更耐
官九遷

題君子亭

䟽池種瓊瑤築屋看雲錦愛渠花種賢佳處心自領我

愛池中花花中有君子相看亭上人其人亦如是

和苦熱喜雨

吾聞和陰陽古人喻調鼎四時有節適萬類自紓窘神
哉洪鈞播妙自元氣津寒暑遞推遷日月互光烱隆冬
生流金酷熱啟冰井由來積以漸其究勢莫競沿流盍
尋源循踵良自顛天功果其全人事或可請民咨思圖
易牛喘戒用猛于馬貴調變持以濟炎冷今年苦煩蒸
六月無息影晴曦煽赫赫卒歲憂懍懍無何陰鳥鳴恍

若商羊騁濃雲滌黛合飛電與天等誰為投壺戲多謝
一笑肯疾雷正晝發隱隱連夜永羣龍挾雨飛霧霈浹
四境豈惟蘇槁苗已足潤頑礦歡呼到田稚揚泊亂池
黽熱惱變清涼造化祇俄頃如痛乃遽定若醉而倏醒
人情競欣欣我寐獨耿耿帝力今何知誰其發深省古
來禹稷志要在飢溺拯行當歲有秋豈但禾同穎羣熙
正待哺一飽慰延頸恩斯宇宙均澤可天地準憐渠說祥
瑞得醉矜酌酹何人司調元嗣歲願多稔但令風雨時

誰復浪悲哂

壽岳陽林倅

南風舞山木，幾日天好晴。
驟雨洗空翠，當暑氣條清。
湖光散瀾滌，宇鑑浮青冥。
魚龍戲吹浪，草木搖芳馨。
祥氛郁華居，喜色生緹屏。
緹屏一何喜，別駕今甫申。
丰稟崧嶽仙，骨標蓬瀛間。
世出王佐生，賢果天心當。
時三更月尚記，七莢藟居然。
熊羆夢况乃，星宿熒堂堂。
問禮家豈但，工梅吟西湖。
耿澄澈泰山媿，崢嶸德器重九鼎材。

猷冠千英鳴絃了巖邑展驥開修程岳陽千乘邦樓觀
萬古名形勝以人重民安須政平誰問蕃宣功正藉太
守丞要令范公記疊疊增清芬十行東北來六月西南
征心源不受暑王命無留行邦人徯膏澤邑尉覘車塵
斂板慰所慕執鞭欣且榮匪私一身遇所冀千里均佳
辰迫開府善頌騰歡聲紛紛祝龜鶴懇懇祈松椿人情
亶忱切天理尤著明維仁必壽祉稱德斯鈞衡福祿方
鼎來何者當擬倫茫洋洞庭波中有君山青渟峙未渠

成功成更遐齡

題舅氏耕隱圖

平生澤物心不計飽一吻中年厭道路回首荒二頃有
口不自餉誰其識莘尹天子閔斯勞祠官養閑冷庶人
乃敢召往役義唯謹兩手不袖藏扶犁遍畦畛云胡三
百屢正可一笑哂置之他勿問樂此果何愠能敬師冀
缺弗治謝揚憚深思鹵莽報寧憚作勞慙拳拳畎畝志
尚願國多稔長哦七月篇知公非素隱

七言古詩

書懷寄黃夢立

荆山之璞天下奇韞藏待價其誰知楚庭已作再獻客
楚國未識連城姿世間萬事乃如此遇否在天而已矣
龍螭尚爾困泥蟠可是紛紛肆虻虺人生安可論窮通
失馬有時同塞翁會須決起凌雲志高搏九萬扶搖風

夏夜大雨

西風響樹聲颼颼暮雲勢作蛟龍逃玄冥夜半挽銀漢

翻寫到地奔驚濤萬聲傳空震且怒草木股慄皆悲號
吾聞閔民望歲者辛勤必與豐年遭即今麥孕苗欲秀
得失相去懸秋毫沛然一雨決豐歉誰謂天鑒徒高高

和湯無邪

東風習習初春天流澌凍解興魚潛池波生綠紋漪連
和氣已覺彌天淵人間佳處不獨此我有嘉客稱世賢
懷歸不肯依劉表滿懷貯月清光皎君行天下眼力高
泰山自見秋毫小往時祖烈通帝震凜凜奚啻霜松清

力扶彞倫正皇極精貫日月伊忠誠聲彌宇宙身卑下
貪天下願羣龍駕功高德厚愈流光誰信幽潛空厚夜
吾聞丹穴多祥鸞正論世濟非論官慙卿慙長彼何事
五公四世嗤新安欣然如君食舊德瀾翻自詭真竒特
瀟湘江上忽相逢遨遊遠自蠶叢國詩豪氣俠負家傳平
生重義不重錢千金萬鎰隨手盡南來祇有兩臂全且
言昔與吾兄別相勉相期皆遠業六年萬里天西南歷
井捫參浙今接故人已作騎箕英顛顛僂游誰可倫風

波險阻厭蜀道恨不澤國歸垂綸如今豈乏資身策家
在吳江天一域牀頭金盡何足言氣干牛斗心金石不
須伍舉談班荆開心見膽須真情交游衮衮半朝露家
有諫省真難兄聽君話言坐未定投我新篇富嘲咏我
思伯氏不可作君為感嘆豈其命自慚無力空慙懃扶
搖孰起垂天雲媿無詞華堪挾庭安得瓊琚持報君

再酬湯無邪

少陵自嘆休問天高歌杜曲希陶潛兩翁潔身如清漣

流行坎止停則淵不肯相邀事趣走相望異世俱稱賢
又如雙鶴立表表長庚共月相輝皎人言兩翁皆大才
頗恨當時用之小太微別垣環紫宸台符烟烟光太清
天心愛君見于世生賢賚弼何其誠那知局促多轅下
詭轡竊御誇要駕懷哉朝秣玉山禾徐趨可刷幽并夜
我聞此馬如翔鸞不比羣蛙私復官馴轅妥策服黃道
御輿君子何其安豈其力稱稱以德谷量謾富驢騾特
乃知市駿等掄材畢竟多賢重王國湯君謂我祖有傳

非獨中選如張錢誅姦發策自其手亟使國步臻安全
忠言信與紛紛別大啟羣公扶帝業退然寧肯自賢功
錫馬無心畫三接青編自有聲飛英笑唾當年石季倫
高風盛節位不稱獨抱此志虛經綸君言濟世非無策
太息神臯猶異域會令桂海一冰天却鑿浯頌燕然石
吾儂瑣碎如棘荆聽君忠憤猶含情可憐有志不得展
三嘆失我金昆兄人生萬事皆前定試聽滄浪清濁詠
晉陶唐杜等詩窮悵悵文章不如命祝君我有心慙慙

天降時雨山川雲古來臯伊今在庭食芹有美湏獻君
春日途中

人家二月燕始歸春陰還近清明期我行東指來江上
傑木夾徑如旌旗驅馳不憚百里遠解后時醉青帘垂
懸知故人隱山市相見甫邇黃生眉

山棗道中

疾雷將雨風怒號夜半破屋聲嘈嘈平明野水一犁滿
浮雲忽散青山高三湘歸來故清絕半載何事徒捐勞

可憐辜負春已晚鶯老花殘空濁醪

西郊卽事三首

唐年斗酒價三百苦貴已起詩翁言那知三倍猶痛飲
可知此老空煩冤風煙瀕洞攪霜信雲日黯淡浮天根
此世有酒須爛醉貴賤瑣瑣寧當論

秋老那復雨初晴我行西郊賞西成蘆花飛空訝舞絮
楓葉滿徑紛吹萍香秔幸愜一飽願晚菊亦吐三秋英
陂池更作嗣歲計帝力浩浩仁羣生

曉行出日歸流螢二童一馬塵蒙纓道傍老翁笑相語
道上夫子真勞生有田觀我奉甘旨無技聳世難公卿
從渠自嗤我自樂天風振木哦詩聲

又次韻三首

昔人逢秋每悲思往往推本騷人言安知四時皆足樂
但願一切長無冤山林朝市等昔夢榮悴開落俱陳根
不如沉醉了萬事春蘭秋菊誰能論

養禾欲雨稼欲晴閔閔此事須天成湘田是處可穫稻

村酒縱飲無幾萍老農歡喜自舉白俗士觸縮誰飛英
如今抵合謀一醉功名富貴從浮生

一年好景今露螢試問誰濯滄浪纓隨時動遭不事謗
潔已自覺太清生西風常次樂郊路好酒不博當朝卿
浩然十里馬蹄疾未到城門打鼓聲

夜夢得一句云老樹拜風牕影亂因伸其語為

一絕

夢魂栩栩塵緣掃風拜月牕春樹老一枕驚回得句時

清竒未遜池塘草

江舉即事

霜肅寒空晴意力江清一帶玻璃碧微波漾日光浮浮
萬頃無聲流寂寂灣頭輕舫一葉微篙工急刺馳如飛
饑鴉見人自驚去未若鷗鳥能忘饑船頭午後炊烟起
颼颼微風掠蘋尾江舉有客意何如獨立無言望江水

再次前韻

午日清明軒眼力煙浮波面融融碧隔溪誰家鷄一聲

人在叢篁更深寂
纖鱗弄暖吹波微
鷺為作低回飛
漁翁可是生涯闊
放漾終日忘塵機
心旌忽為家山起
遙憶瀟湘鱸尾誰
能一席助清風
歸去蒸江弄蒸水

書湘陰驛壁

舍舟湖頭煙水昏
假榻郵傳猶柴門
可能濁酒澆客吻
莫厭明月撩詩魂

溪流

溪流一作神仙遇
歲歲桃花落復開
誰控空巖守竒鬼

豈唯塵俗到雲來
彭澤昌黎一是非
悠悠千古謾傳疑
蒼崖何物扃巖竇
獨許當時漁父知

和喜雨詩

夏畦雲稼憂芳蕤
炎官火傘烘晴曦
何人半夜起龍蟄
慰我卒歲豐年期
吾生正作一飽計
天意似憫三農時
推牛醜酒樂村社
帝力於爾其誰知

和陳必強韻

三旌之位不足貴
萬鍾於我其何加
誰如日飲無骨相

底用眼眩鳩盤茶哦詩清籟助蕭爽角壯餘子空雄誇
東洋北若不汝較望嘆自失無津涯

和揚公維二首

子雲家無儋石儲日有載酒過門閭道丰澤衍今甫大
天理報施寧欺予我慚投李得珍貺俗眼快覩真璠璣
何當急走問竒字報語姑以先勤渠

楊侯胷中萬卷書瀾翻騷興軋三閭文成素藁富柱腹
詞有餘鋒須賈子俊逸進追新軌轍温純端擬古璠璣

我漸不作池塘夢徒羨清溝媿濁渠

和游子歎

前年春種方萌蘖我喜君來屐幾折今年湖田農正忙
君從伯氏聽漁榔平生四海饒足力到處哦詩不虛日
高懷一笑無心雲暮秣燕冀朝吳殮從渠小知但莽蒼
羈馬維絡游龍顙男兒遇合自有秋此志寧為溫飽休
呈武氏表凡余免時武氏三四表兄過我龍穴
里中已而為別今逾二十載矣茲侍老人通守

沅陵武氏寓辰之屬邑五峴坡栖碧翁適逝去
既襄事而四兄來訪皆魁偉竒絕有昂霄聳壑
之氣連日奉款語劇談世事論文說詩私竊喜
慰感而成詩十八韻呈諸表兄

我家蒸湘東復東君嘗過我從嫗翁我時總角君未冠
相與遊戲如鴻濛無何君作十年別遠指沅水云能窮
兎時豈識銷黯事聚散過眼回頭空衡陽以西大酉麓
其間不及馬牛風向來往往二十載音問無計隨鱗鴻

吾翁得官夜郎郡盡室隨牒溪山中故應喜近栖碧老
豈謂一疾銘幽宮箕裘賴有七男子華萼競秀堦庭豐
爾來得得步相訪磊落玉樹何玲瓏固知乃翁已無憾
有子足勝王家戎團圞夜話得相屬幸勿別去輕忽忽
即今山城二月半李花能白桃能紅陽和薰蒸著草木
駘蕩天冶春融融繁華不足悅我眼獨以文字斲磨礪
男兒胸中負志業聲價直欲高恒嵩立身揚名我輩事
肯逐斥鷃甘蒿蓬篇詩慙慙句領畧但愧骫骳言非工

呈四表兄求栖碧遺文

某竊聞姑丈生平遊戲於詩著述甚富每恨
不克奉杖屨乞其緒餘以啟頑繆今已矣然
審知諸兄寶藏遺文以傳不朽猶幸得一拜
讀而未敢輕易也輒用前韻成拙詩以見意
諸兄幸憐其勤勤舉以授之則庶幾尚可沾
勺其殘膏賸馥也幸甚

詩亡自昔周之東末乃賴有三閭翁三閭避讒思去國

當時無人歌雨濛忠懷義槩不見省獨以文字塗幽窮
高情寓物發歎詠憂深思遠言非空富如渤澥產百怪
浩若九萬扶搖風後來文士相繼出思援弓繳隨冥鴻
二都以降更七代浸墮侈靡淫哇中新竒嫵媚乏典則
往往體制多稱宮汗牛充棟號繁博簡策冗長何其豐
至音寂寥風雅墜天球何處求玲瓏遼遠曠世一杜叟
粹出于正排夷戎丁年天寶適倥傯崎嶇奔走方怱怱
有我未始不憂國豈若兒輩隨朱紅瞻前無隣後無配

膏馥殘賸何豐融少陵以來栖碧老筆鋒閃閃矛新
九原已矣不可作知有妙語齊烝嵩生平寤寐祈一見
如垢未沫頭方蓬君無恐我誤雌霓研覈諷誦猶能工

次韻酬郭承禧

近不羞以惡拙呈似望一鍼砭之以起廢瘡
盧扁固未肯輕施且過於獎拂借之好語殆
欲益其疾與公必不愆然也敢賡元韻不吝
竟誨之幸甚

黃鐘大呂非常器清廟陳之乃其地胡為小用噓寸莛
猶遣咸韶有遺事君才棲枳今何時天意似欲昌吾詩
西山正爾朝氣爽左手好在霜螯持連牆顧我勞相過
徒舍美君安宴坐春蘭秋菊借芬馨蚯蚓蒼蠅許賡和
彌明出語如笑嬉喜悲思苦那能竒便須起敬拜牀下
敢問所學真誰師

賦壓波亭呈益陽趙宰

當塗自詭譙中龍長驅遠闕矜餘鋒孫劉交合出竒計



一炬赤壁成三雄荆州疇昔借資地久假乃復相仇攻
是時熊湘介二國北有蜀壘南吳牖蠻爭觸競已千古
往事獨有江流東人言此水自雲阜聯引瀆邵經夷中
崎嶇二梅壓盤東擘裂千嶂煩奔衝窮豪究勇力少縱
始得平隰流畚容紆餘十里僅間暇顛顛五渚俄衝從
瀦為溇淵產百怪往往不宅馮夷宮春霖夏潦故假藉
谷吐川灌資騰春陽侯客氣不自禁驅脅罔象從羣凶
往時井邑困陵藉欲已此患嗟無庸英英忠定經國手

初日小試勤民功不煩燃犀照竒鬼正爾宴坐銷狂烽
築亭據勝俯百壑坐使袞袞皆朝宗投巫謾詫鄴中老
驅鯉未遜潮陽翁橫流一旦復故道精意要與神明通
吾聞祖龍制六合欲以盛氣陵華戎將游會稽示汰侈
乃被濤浙還他從區區水波豈云惡要是暴戾神方恫
安知盛德雖邑宰能轉造化回天工爾來百有六十載
民得平土趨耕農只今令尹亦公輩惟有善政希高蹤
興言晴雨應如荅豈復旱溢憂忽忽喜豐對峙且華屋

一槩橫絕江無風江頭秋深足佳趣林靄煙暝紛冥濛
乘閒領客共賞勝亦有情話攄心胷夫君豈久吏州縣
偉望況已齊衡嵩儻令鯨伏波不作奠枕四海渠非公

送程正翁解官歸徽州

夫君貌瘠中甚腴萬卷抑塞蟠胷書文章有神貴有骨小
住金馬論石渠青雲可上不自喜却下枳棘如棲梧勾稽
五載信留滯澹泊一意忘奔趨心研典墳畧擊帆腕脫
牋牘疲鴻魚諸公要人徧知己爭欲迎致沾波餘代來

扶滿不得去懇懇至挽桓君須平生不願受知廣高興
忽動歌歸歎湘江水落清徹底桂棹可理真良圖人生
適意貴自得懷土不為西風鱸一盃別酒聊復爾千里
明月非人殊修身善世本一理聚首分袂皆同區它時
用舌猶故吾寄書當道今何如

壽邵陽唐倅二首

君不見大士化身兜率天湧兩足雙金蓮光明照耀
十方界至今猶記周昭年當年刹刹西王國才見薰風

入災日菩提廣轉大法輪普現寶身千百億即今應感
湘江涯一念甫為羣生迷誕彌猶是舊來日塵世已覺
心南移宰官未向朝端去暫作資陽大慈父惟將四諦
妙真來一洗含靈愁嘆苦海沂豈久淹王祥沙堤指日
催鳴璫心華定力莫思議福利四海為津梁斯民正賴
覺空覺應世因緣詎能度椿齡永劫未渠央會看優曇
幾開落

瑞蕙八葉開蕤賓湘川當年生俊人天孫織裳雲錦新

下與聖世為卿雲妙齡材策趣金鑿從橫禮樂波瀾翻
結知九重生羽翰揚庭徑許陞朝班姓名將啟金甌黃
海沂暨此留王祥朝來椒頌傳新章青衫屬吏欣觀光
方瞳玉頰歌雲謠醴泉為酒鄭斗杓東方蟠桃三度實
安期瓜棗甘於蜜

代賀蘇鹽生朝

斗杓酒携并絡墟月莫四英隨盈除網緼和氣掬宇宙
忽鬱瑞靄充門閭門閭自是相家舊許國勲闕今渠渠

公候骨相竒表在佛祖心諦羣疑祛長材不憚剗煩劇
入贊樞庭還題輿聲猷業履藹中外使節榮昇東南如
三湘來領阜通計九郡咸企澄清車民言此地公遽廬
當饋注想寧應徐姓名行啟金甌書公府入即潭潭居
方壺蓬島有壽域安用九轉刀圭餘

代人上父生朝詩

十月猶有
木芙蓉

杓攜娠訾月華薄瑞靄朝來溢簾幕芙蓉猶解婉然紅
要與誕彌尋舊約霞觴舉處金瓘錯壽祝莊椿與龜鶴

鯉庭請學熾昌詩綵衣戲有承顏樂

將歸新城鄉舍邀賦詩贈行

請君吟詩送我歸我歸雖作半月期馬頭黃埃且百里
村店白酒占雙旗只今柳絲東城路萬縷方作青青垂
歸來應未及飛絮自取春色開修眉

和阻風潛江以詩禱神

江行幾日風打頭江上客子添牢愁人言水神喜作祟
客欲精禱姑維舟平生結習口語業篇詩敢告波神休

欣然回首領此意一息千里聊乘流

欽定四庫全書

省齋集卷二

宋 廖行之 撰

五言排律

為老人壽蘇鹽

司寇家聲遠
開元相業尊
亞燕推手筆
刺暴賦箠墳
無逸隋圖在
居延漢節存
二天公覆蓋
六印氣雄渾
美玉藍田裔
洪河積石源
人材鍾盛世
侯伯萃高門
龍集天津尾
杓攜井絡坤
策加三卦候
奠改四朝昏
兆夢熊羆

喜儀庭鸞鷲騫崧高真氣宇佛祖是心原標準儀中外
才猷剴劇煩樞庭陪國論江介輔侯藩忠力宣僚寀勲
庸簡帝闈皇華分使節風采動輜軒煮摘三湘富澄清
九郡恩融融流叶氣藹藹載謠言望洽青氈舊榮須錫
馬蕃金甌披姓字芝詔下天垣卿月當聯棘王庭合邁
鵷蓬壺開壽域斗柄挹芳樽蟠寶來仙木松膏出老根
祝公千歲壽帶礪見調元

五言律詩

和劉晉父寒食日從郡掾遊花光相社祠絕江

訪向園賞春韻三首

官事何時了，郊行亦興佳。不因修佛供，端為憶詩家。歌
權浮春浦，吟筇倚暮花。翻思紅藥句，想像怨年華。

不作春遊去，那能詩思佳。春山長在眼，白酒不謀家。泛
泛一簑釣，冥冥幾樹花。相從有真趣，無夢到京華。

寒食江頭去，精藍景象佳。懷人悲往事，得句念無家。飄
泊苦多病，顛狂因惱花。那知三百載，崇祀有光華。

和春睡

持底賞春晴清眠自爽
寃據梧銷白日高枕未黃昏
蝴蝶飛何樂華胥夢可溫
周公應不遠心事得深論

和羅舜舉三首舜舉夢中得臘酒催詩處春幡
剪綵時二句足成四韻屬余和之

世態醯雞舞塵緣野馬馳
眼中惟俗物夢裏是真知
綵筆神傳夜春池句得時
渠儂未應媿百世與風期

日月遊駒迅光陰激箭馳
自應憐未遇誰解語先知消

息春來好功名夢到時更憑詢造物無作戲人期
世無良樂久驥足謾驅馳尚喜心無媿渠憂人未知塵
埃渾眯目竟夢識佳時好在張儀舌男兒詎可期

贈勝業老了謚

客行半吳楚人與詩皆窮得公三昧語示我五言工南
山足佳氣古剎長清風應餘錦囊句還許蓮社同

和前韻

有賦為招隱無文可送窮郢歌應寡和齊瑟自難工好

在南山霧高眠北牖風此心奚所得要與古人同
久雨送春晚倦游憐客窮不因人事謬安得詩篇工鶯
語喚昨夢雞聲驚曉風此時無好句愁絕有誰同

詩源渺萬頃衮衮來無窮定應遊戲爾豈事雕琢工三
章見囊穎一讀清頭風貧兒獲茲富往往至寶同

暮春偶成四首

殘花自開落遲日半晴陰翡翠山容暗蒲萄江漲深綠
楊渾作絮黃鳥欲成瘖春事今如許誰能着酒斟

蒲渚生新漲花蹊長綠陰微風將暑至一雨共春深
強聒燕何叻卑喧蛙未瘖有懷無可奈吟興發清斟

小雨纖纖潤輕雲淡淡陰溪光清絕處山影翠微深
蠶市朝何寂牛歌晚不瘖高吟憐節物合把酒尊斟

春色堂堂去雲容故故陰情連芳草遠愁共碧波深
一雨能多久鳴鳩只合瘖杖頭方寂寞那得濁醪斟

雨中有懷

客裏春三月江頭雨半旬囊空那得醉吟苦未甘貧愁

逐花枝老詩隨節物新
柳流去湘水欲此寄雙鱗
春色無多日匆匆度七旬
驅馳遊子態蕭索旅中貧酒
薄愁那減詩窮句轉新
誰能念牢落涸轍有枯鱗

七夕

目切雲垂望心馳枕扇涼
兩年違色養七夕又他鄉
坐想斑衣戲胡為捧檄忙
何人程方進將母冠巖廊

觀潮

江接東溟濶潮從八月高
祇應風捲浪誰遣怒成濤
舟

楫乘流迅魚龍得意豪瀛洲今不遠好去釣金鰲

宿田橋驛枕上口占

屋敞漏疎星菟清夢轉驚蛙鳴千百輩鳥語兩三聲
意氣渾干斗塵勞未解纓平生四方志安肯效蠅營

如新牆宿於劉叟逆旅

一雨洗殘暑初秋生嫩涼寸岑餘黛綠多稼已雲黃
早覺宦情薄可能詩興長空慚賦囊粟持底報君王

向氏歸來園

十畝江頭地今時靖節園
朝川慚畫古綠野謾名存
自有菊成徑何須花滿原
是間無俗物不用閉松門

水仙

擢擢瓊簪秀盈盈玉頰
新隴梅真季孟洛浦是精神
好在臨江佩遙憐步月塵
對花惱詩思何必雲溪蕙

歲晚寄羅舜舉

歲晚旅懷惡雲平東望賒
故人空眼底別恨憶江涯
尺素形聲畫萍蹤溷齒牙
襟期定何許歸夢惱胡笳

懷程正翁

江上送君歸燈前凝我思源流嗟世遠師友不吾欺此
道無今昔人生易別離江湖幾千里從此尚心期

錢塘買舟西歸

疇昔春江上詩成感舊遊重來正炎日還復理扁舟興
逐輕帆遠愁隨急雨收三年四來往依舊水東流

戲詠白髮

與愁添悴色為老出孤標鬢鬢生銀縷依微散玉苗摘

除猶茁茁晞沐更蕭蕭相見函關路應符物色邀

和益陽趙宰六首

為邦何所急勸學最留情數仞新儒館千年繼武城梁
間珍篆古門外碧波平會有明倫士培風縱鶚橫

食黜從吾化安輿本若情有能奔晉盜何用築秦城一
邑誠天幸三年賴政平儒功固如許儀古漫縱橫

馭吏胡為術臨民若用情兩難誠具美雙壁重連城威
愛無偏舉權衡自適平吏忠民更樂協氣日流橫

世治不忘兵公深愛國情雄張新漢壁勢壓舊吳城夜
月鳴笳肅秋風列燧平農耕渾自適是處畝從橫

底事及幽冥仁人惻隱情憐渠猶旅翫為爾返鄉城泚
頰人應化分香訟亦平存亡俱惠澤高義與雲橫

胸中涵萬象江上漫怡情突兀飛華屋依微出化城所
欣逢歲有此意樂時平登覽多新句何須馬槊橫

無題

州牧誰能舉邦人願借情聲名簡宸扆恩信著湘城龐

統才何陋班超策故平何如今別駕膏澤與江橫

挽王倅

政最方賢躅公心得事情江湖多撫字秦蜀佐廉平族
處歡群從鄉評歎老成西風非宰木猶記手經營

挽周守

姓氏標千佛功名老一麾人皆嗟窘步公不陋居夷悵
幅尤安靜廉明且惠慈窮陬天弗佑三月逝如斯

挽鄧彥霄

秀整文明早精明吏事優聯登年正妙再轉譽彌休方
展雲衢步俄驚夜壑舟平生如此友零落向山丘
仲氏懷聯壁慈親念倚閭官遷身未享子少室無儲不
料全家望真成一夢虛生材慳子壽天意竟何如

挽谷子長

仁壽渠應爾為君呼彼蒼若人奚所恨夫我謂難量好
學顏何泯多才賈遽亡乘除餘慶在疑疑看諸郎

百歲三之日如君乃若然謝庭凋玉樹楚澤斃蘭荃堂

有雙親老身無寸祿緣英菟儻猶在泣我此詩篇
伊昔拜芝宇詞場話俊游一從分袂日五閱鱸鱸秋別
夢思何極長川逝莫留蓋棺俄隔世空遣淚橫流

挽劉知府乘

辛苦平生學儒科志稍酬路遙車折軸夜半壑亡舟士
惜鵠原盡親悲鶴髮留傳家幸有子門戶可無憂

挽鄧知縣友龍

文撼湘南國才高月旦評弟兄皆吏計父子擅科名綵

服歡初泱黃梁夢不驚傷心見零落埋玉閉佳城
別向巴丘去歸從浙水來絕憐三益友高卧九泉臺清
會成陳迹明時失茂才無因陪祖奠風壑寄餘哀

挽軍器監簿周公子及

人物丹丘秀才華邁選優青藜行照坐白玉遽成樓數
不登知命言猶見告猷詞林根柢在三鳳看鳴啾
一經同鴈塔再入並駕行方喜為寮好那知夢奠傷學
多應損壽文富幸流芳有士竒如此雲溪奈闕藏

挽唐學錄頌

今代稱純孝如公第一流事親惟婉順厲志只操修德
行渾無間功名略未酬空遺千古恨明月一山丘
虎榜標名日英聲四海聞傳家惟奧學有子繼清芬未
熟黃粱夢俄同冥漠君哲人今已矣無復更論文

挽龔宣教世基

文物湘中盛唯公獨最優麒麟來瑞世鵬鶚快橫秋桂
籍名方著燈窗志少酬居鄉多令望治國蘊嘉猷

游刃雖餘地棲鸞試未周
僅伸三釜養俄隔九泉幽
風樹悲難弭蒿莪痛曷瘳
平生無恨處有子襲箕裘

挽雍宣教知義

早擢蟾宮桂聲名第一流
下帷潛大業擊楫志神州
修短林中木浮沉水上漚
生芻今日奠惻愴淚難收

憶昔居黌舍曾陪戲綵斑
才華推粹美功績嘆間關
有子能傳業無丹可駐顏
哀詞臨隧路明晦萬重山

挽龔主簿益卿

當代文章伯聲名屬太常雲衢方奮立薤露忽悲傷却
桂榮賢嗣萊衣遠北堂蒼天竟何意忍使哲人亡

奇士如公少居然得譽尊績文追古作獻策達修門梁
壞吾安仰人亡道尚存傷心南野路天迥暮雲昏

挽劉學諭珩

劍浦昔名族湘川今世家簪纓方赫奕里巷正光華豈
意有餘慶翻成不足嗟哀哉天道遠福祿一何差

詩禮家傳舊箕裘世襲良蚤同花萼秀晚並桂椿芳方

恨違同氣那知歎肯堂斯文今已矣繼踵屬賢郎

聲猷驚俗舊科第策名新筮仕甫從志辭官復為親誰
期一朝患遽殞百年身平昔經綸事而今已古人

學富猶無已才雄非自成誨人真不倦接物有餘情僅
有樞衣便俄驚逝水傾丹旌嗟莫挽忍聽薤歌聲

挽劉宣教孝昌

夙世垂遺訓書林早策勲敬誠躋至善師友富多聞崇
棣兩玉筍閨門萬石君九原那可作惆悵哽飛雲

暫出伸三釜歸安菽水心立言存絕筆遺子勝羸金肝
腑真堪託情親久亦深交朋忘一鑑哀淚滿衣襟

唁陳頤剛頤大二兄

陳子吾為友別來今甫春孔庭歌壞木竇樹失靈椿誰
謂有餘慶幾成無告民天涯一携手涕出為悲辛

七言律詩

和遊歸來園韻

吐吐柴桑久卜鄰軒軒少室竟何人一丘竒興心猶遠

千古論文迹未陳
畚鍤自隨天地闊
園林好在歲時新
東風相逐經行處
花草禽魚不計春

簿書叢裏厭紛埃
夙駕輜軒此地來
好是板輿將母樂
不妨樽酒為花開
難拚勝賞哦詩適
生怕嚴城打鼓催
明日江頭還眺望
松風閣上幾徘徊

春雪

臘尾春風不著忙
雪花先壓百花香
試為天上玉妃舞
欲遣人間越犬狂
萬里水壺塵不染
一番瓊圃日初長

東皇喜作吾翁瑞又報豐年到酉陽

時隨侍辰州

江樓雪望

幾日凝空雪未闌江頭乘興一凭欄
瑤池宮闕連天迥瓊圃山川特地寬
極目龍沙千里遠倚空冰柱數峯寒
望中渾覺蟾宮近便欲乘風寄羽翰

和春遊三首

駘蕩融和二月天邀朋同是飲中仙
試將拄杖踏芳草更看蘭舟航野川
酒興償花聊復一詩篇賈勇或相干

何妨日日尋春去醉把賡酬授簡傳

尋勝遨遊且樂天楚狂應是地行仙一年最好春三月
到處那能花滿川夢澤詩腸吞八九河沙醉境渺三千
眼中況有江臯佩應作瀟湘勝會傳

雨餘遲日放晴天春入園林點化仙為約奚囊行秀野
更看花島媚清川杖頭買醉多踰百笑裏揮金知幾千
一段清狂誰會得謾將高興付詩傳

海棠

暖日烘晴二月天，萬絲垂舞競春妍。
誰移西蜀寸根遠，獨領東風一笑媽。
醉臉凝脂朝過雨，紅粧照燭夜籠烟。
漫山百卉空簾俗，知是流霞第一仙。

社日雨

一年好樂九十日，底事天工力作難。
自古惜春晴有幾，只今連夕雨猶霰。
朝來已報山城社，客裏那知花信寒。
遙想故園田父樂，伐豚醜酒樹團欒。

清江道中

客裏春愁萬斛量隨身抖擻一奚囊了無池草入詩夢
粗有山花供酒狂半載飛蓬成底事幾鈎新月誤相望
夕陽又傍空山宿杜宇聲中人異鄉

次綱官王簿韻兼簡伯潛二首

江上晴光照眼濃十分春色滿城東客懷何限湘波綠
漕事方殷漢粟紅雅有詩情添興遠可無酒力破愁攻
舳艫早晚蒲帆穩長嘯東南萬里風

柳岸流鶯兩兩黃風光渾在一帘香休辭老去追隨懶

莫遣春歸倥偬忙，滿地芳茵猶勝踐。漫天飛絮漫輕狂，
溪園早有同遊約。準擬盃行引興長。

和張王臣郊遊韻三首

君訪西郊古佛家，還因燒佛問丹霞。可能同住依彌勒，
應是前身悟木叉。林杪危亭供宴坐，門前翠袖儼排衙。
紛紛鄜市何時了，靜看優曇浩劫花。

山頭笑語落千家，晚入登臨引暮霞。極目未應煩笏拄，
招朋端不羨魚叉。歸來皓月明於燭，睡熟黃紬卧放衙。

幕府官閑詩思敏
賡酬疊疊筆生花

秀句清圓掩百家
錦心幽思定餐霞
風騷誰敢闖嚴律
誦數惟應滿洛叉
已有文名肩杜曲
却憐羈旅賦彭衙
自嗟下里陪高唱
羞說花時鼓子花

和芍藥

牡丹推盡蘂初成
花譜還應壓後生
右掖昔年陪俊賞
幽蘭今日助詩情
當階鎮日翻紅艷
傍砌何人翫秀英
國色要須歸第一
花王從此浪收名

送春

煮醞青梅且共嘗
遊蜂飛蝶為誰忙
鞦韆綵索迷青草
車馬紅橋鎖綠楊
春事戰回蒲劍老
詩腸結盡柳絲長
韶光賦別休匆遽
凝佇東風更一觴

宿田舍遇雨

奔走塵埃日幾西
又從舟楫問津涯
官身底事多羈束
世路由來足嶮巇
甘雨也知甦穰稜
輕風祇管舞漣漪
夕陽又傍田村宿
無限蜩螗噪晚颺

七夕

從昔人傳鵲作橋一年牛女會清宵幾家乞巧羅瓜果
是處開樽沸管簫雲雨暫成銀漢約風雷催趁玉晨朝
憑誰與問支機石好上仙槎歎碧霄

重九後菊

寂寞東籬幾夕霜不堪憔悴逐炎涼誰知璞玉渾金態
盡作紅塵紫陌粧流液尚能甘水味返魂應付與梅香
來年莫落秋深後好趁登高入酒觴

中秋日簡同盟諸公

是日諸公約為雙桂熏煉之舉不克往

風囊嘯谷獵塵衫
雨鬣行天駕玉驂
一洗蠻烟渾逐北
全提高令似征南
佳時不負中秋約
雙桂能同一夜談
我亦蘭陔奉馨膳
與君歡事喜相參

和晚菊三首

羈寓窮秋幾許清
晚芳猶爾亦何榮
東籬舊豈論餘子
三徑今應愧老成
氣味耐堪供飲興
登臨那得廁羣英
節華要是丈人行
俗眼誰知省屈平

何事秋光老更清
故應有菊占秋榮
後來漢陞知薪積
晚出商山歎翼成
三徑惟將松比操
東籬那為酒含英
紛紛紅紫隨時好
臆對西風訴不平

荒涼籬落露華清
菊為重陽特地榮
奔競關心知戒在
踈遲嬾性習閑成
償秋為子添秋興
見晚知誰恨晚英
賴有南山陪舊望
悠然目極與雲平

月夜有懷二宋兄

雲容冉冉碧於衫
蟾影騰騰穩勝驂
萬壑涼聲生木末

一天秋色滿江南聞雞漫起狂夫舞捫虱誰從隱士談
坐想詩翁搜好句初機還許學人參

秋夜讀書示謙

百年詩種世科存三載相望兩拜恩主簿從渠稱大小
儒冠喜我到兒孫立身正要先忠孝力學尤須造本原
老矣寸陰猶共惜日新期汝大吾門

常記吾公誨語存豈唯撫育念深恩要將禮義扶門戶
常把詩書訓子孫衆耳尚聞垂絕語爾曹無負起家原

慙懃事業能無忝何羨于公駟馬門

西園盧橘數株方窮秋蕭索間訖然敷榮競競
可愛作詩記之

寂寂園林秋暮時可人盧橘玉英肥祇應籬菊返魂在
滿慰金行得意歸僵立凍蜂攢翅白霏微繁李綴枝稀
天公似恐緇塵汙乞與氈裘護雪衣

和羅舜舉

岸岸花飛客思濃拍空烟水與天東暮雲橫嶺依依碧

朝日翻波袞袞紅鷗共忘機元自適鼉猶鳴鼓定誰攻
凭欄萬里危樓望愁絕江南一笛風

對酒憐鵝滿意黃江天風暖水紋香詩情到底能多助
官事由來未苦忙晴雨不妨春自好醉醒何擇我非狂
幾時容與扁舟去浩蕩烟波情興長

和張王臣

王臣送示渠與僧普涇道士胡嗣
芝和衫字詩易喃為南因次其韻

詞伯今猶從事衫追風才軼謝羸驂浪傳齊已聲江左
不見彌明隱岳南騷讀正堪供痛飲箎音那許接高談

君家况有輜軒法乞與新編得細參

和家字韻呈同社諸公

平生四海魯東家貌敬誰能禮有加
試問離歌談狗曲何如艷曲唱山茶
廣平似鐵詩猶好河內聞箴喜更誇
惟有謫仙堪痛飲世間佳處樂無涯

和松坡劉迂詩四首

新涼憑雨入郊墟却置詩書困簡書
顧我塵埃隨野馬今誰風味憶鱸魚
可能三釜從吾好且放雙眉滿意舒

賸買一尊澆礪魄從他瀼瀼水鳴除

白雲飛處祝融墟心切平安一紙書浪走毛生慚捧檄
清貧羊續漫懸魚銀蟾浮彩秋尤好金粟含香桂欲舒
拍日安輿奉顏色綵衣容與戲庭除

平生湖海敬貂裘一笑周南底滯留豪放不妨詩李白
崢嶸何意吏朱游悠悠世上難窮事落落胸中肯著愁
高興橫秋渾不淺月明還上武昌樓

滿袖風埃季子裘誰憐斗粟漫淹留棲遲歲月渾閑事

放浪湖山得勝游，一律任渠從濫吹。
數盃容我且澆愁，祇應好在平生志。
更上陳登百尺樓。

暮秋聞鴈

微日輸晴宿靄收，征鴻迎暖到南州。
相呼相喚稻粱熟，年去年來蘆葦秋。
琴操曾遺中散恨，海瀕還見子卿不。
夕陽莫傍江樓去，長有別離人倚樓。

和蘭仰之咏含笑花

何物包藏欲媚誰，千金難售惜光儀。
空凝巧倩如羞靨

晴吐濃薰已透肌
一夕舉烽徒自苦
三年射雉若為奇
無情草木欣得意
却惱多情為賦詩

得長兄書

雨餘清夢話躊躇
投曉敲門一紙書
尺組却能羈壯士
寸心渾欲駕飛車
青衫小吏誰知子
白髮慈親正念渠
只道為官志三釜
而今那似守閭閻

同伯潛諸公聯騎出城東次衫字韻

怯曉征衣襲小衫
山頭淡月照聯驂
晴光忽散湘江上

秋色疑連夢澤南後約吹香舒藻思同遊載酒款犀談
遙知堅卧朱文季倦聽朝雞趨六參

和武必達郢亭雜咏韻

君家華屋隱松關滿壑清風六月寒半歲胡為漫蓬轉
篇詩猶解惜春闌人言占馬應東首我欲移文向北山
試問啼鶻緣底事盡情終日勸人還

宿白湖即事

亂蟬聲裏夕陽村野寺荒涼竹映門汨汨溪流新過雨

芄芄未稼已平原老僧不省論詩句初月猶能共酒樽
莫為奔馳起歸興東西南北一乾坤

和洞庭古寺壁間韻

六月湖天凜似秋曾憑檣燕小遲留蒼崖偃蹇浮屠古
白壁淋漓醉墨流吹浪魚龍供客戲乘槎牛斗得天遊
一聲帝子雲璈曲家在蓬壺碧玉樓

和徐志父道中池亭獨遊之什二首

炎風勃勃觸輕衫何事驅塵未解驂清我一泓能湛湛

洗渠雙耳任喃喃方從君子歡相愛未信樵夫笑不談
他日通泉訪陳迹光芒寶劍與天參

聞絃那用濕青衫俛首鹽車驥可駢珍重居污自貞潔
飛揚巢幕漫呢喃雲天意氣生懷抱尊俎風流入笑談
不礙哦詩佐清逸明朝斂板又庭參

游嶽麓宮抱黃洞

長沙不足容回旋放脚直到清虛天層雲蕩胸意矯矯
皓月入袖情娟娟扶搖浩蕩九萬里城郭彷彿三千年

仙期汗漫直牛斗此志理我乘風船

和張王臣登清斯亭韻三首

一年好景負黃花洗眼江梅傲歲華把酒欲從天問月
知時誰解管飛葭人情似水多涇渭世味如禪說蜜櫃
祇可高吟酬節物鶯聲早晚又天涯

一夜寒牕剪燭花細尋詩派憶京華愛人欲贈兩溪竹
弔古誰荒大澤葭味永黃雞羹苦菜香清沈水煮楨櫃
拈來信手皆佳句浩歎東洋渺際涯

海棠冬暖亦狂花步遶畦區羨物華微雨蒼茫低塞鴈
寒聲寂歷到汀葭映人清絕梅松竹照眼黃垂橘柚攄
自喜閑中足幽興不妨時理醉生涯

題蘇琢覺齋二首

不隨鑿柄辨方圓安用著龜考未然萬物由來皆備我
寸心既盡即知天見幾那俟拈花手樂道渾忘絕易編
自得誠明千古學誰能證此具精專

滅去觚稜性本圓了除藩蔽物皆然向來具足頂門眼

盡發卑微甕裏天膠擾空花俱是幻拘寧塵鞅束如編
非予孰為幡然起莫遣阿衡美獨專

和長兄席間書事

窮山二月無多樂猶作春來料峭寒常恐花枝暗蕭索
却教詩句漫艱難尋芳賴有城西角泥飲休論日幾竿
他日山僧紀清集閣中應作畫圖看

題舅氏耕隱圖

詩書事業可公卿垂上青冥却反耕舍已云人吾弗爾

種田得飽我何營一犁春雨寧論力萬里秋雲會享成
堂上更書無逸語也知稼穡重金籩

書懷

萊衣喜氣著青衫世路從渠裂兩驂試問虛名空斗北
何如榮養樂陔南鄰墻飽聽新詩句尊酒相從幾笑談
聞道秋郊足佳趣好奇詎復似岑參

食菜作二首

吾儒不羨能方丈彼相胡為食萬錢誰識春來有珍味

樂如疏食曲肱眠園中菜把勤能致曹掾蓴羹美未專
便作遠謀勝肉食他年無媿作詩篇

春來日饅菜數本絕勝杖頭攜百錢但得園蔬非饑歲
肯令午夢攪清眠食芹有美吾思獻采菲無遺利可專
莫笑先生長誑腹解吟朝日照盤篇

